



Pamebham

'Nimlo : 004. 'Su : Duö : -Kwe : 2005 'su -bha 'sëedhe -mü

Blowo

-Wo kpö =bhlëzë

'Wuntao bə 'sëedhe =ne -më
-kë 'ö =been ü -de -wo 'gü i ?

-Më -kë 'ö 'wo- =been- =Dan -wo 'sloo
'gü i ?

-Më -kë 'ö yaa =been- 'kwi -wo -nu,
=glee- -wo -nu, 'Lüma -wo -nu -an gbe
'gü i ?

-Wo =vava -nu 'ö 'kwa -an 'tə pö bhë,
-wo -an -dö 'kpongtaadhe -todhösü 'gü,
-an -bha -kë =bhlëzë -sü bhë
-a -zön 'kpongtaame 'kpəkpe wö 'dhiö
-sü 'ka.

-Yö -dhe -ma -kun 'pö kö 'kwa- -zön
=ne kwa 'kpö -wo 'ö =Danwo 'ka bhë, -yö
'bhee-, 'yö- -bha kö -a -bha -kë =bhlëzë
-sü bhë 'kwa- -zön me -nu dhë =ne -kö 'ö
-wo me 'wo to 'kwa -an -bha 'wun ma -a
'ka bhë -a 'dhö.

'Sëedhe =ne -a =been -sü -gen tə -më -ε?

-Wo -nu 'ö -Zlan -ya -da 'kongtaa bhë,
-a 'bhaa gbe 'yaa =bhlëzë -yaan zië 'ö 'bha
-ta. Pë 'yi- -dhe ka -gö 'ö tə kö me 'ö
-dhö -yö 'ö -de -wo 'sü -së =ne -kö 'ö -wo
me 'wo to 'wo- 'ka -a 'dhö. -A -wun 'gü
-yö -dhe -ma -kun kö ü -de -wo bhë 'ü-
=daan-.

-A -wun 'gü, yi -bha me -nu -wun
'gbeezë, 'wuntao bə 'sëedhe =ne yi- -bho
gou 'dhö kö pë 'ö- -wun to kwa -gö bhë,
-ya -ta pa ; 'iin 'zü kö 'wun -nu 'wo kö
-na kwa -bha =daanwo pö 'pian -ta oo,
Kativöa -se 'gü oo, 'iin 'kpongtaadhe
'kpəkpe 'gü kö =kun 'kwa dho -ya kwa tii
-bha -a -wun 'gü.

=Ya 'gomü, -yö -së kö 'ü- kë =ne
göön- 'wo- 'tə kpö Samali mi këwun
-sëezë 'ka bhë -a 'dhö. Göön- 'ö bhë -yö

-kpën me do -bha zianhö kö këpëyaame
-nu =waa- -gi, -yö waannu -sü 'ka
-kpinng 'dhiö. 'Yö- sü 'yö dhoë 'wo- 'dhe
-kë 'yö -kë 'pönöpönö. =Ya kë -be Samali
mi =ne yaa nu me 'wo- -gi bhë -a -dhë -be
-më 'ö dhoë- kë -o? Göön- 'ö bhë, -yö
-dhö -ga zian -ta 'kpaan 'waawa.

-A -gen tə 'ö =ya kë ne ü 'ka ü -de
-wo =bhlë -ya -a -bha, 'töng 'bhaa -dhö
do 'ö =dhong 'ö go 'se -ta.

=Ya 'go mu, me 'ü ü -dewo =been- -dhe
do, ü -māa 'ü do ü -yayö -gban -gö. -Bhö
kë =ne Samali mi 'dhö, 'ü nu -a -dhë.

=Ya kë =ne 'wun 'bhaa -yö ü -gö kö 'üen-
=blee- yi -dhë, yi -bha dresü 'ö =ne :

08 B.P 857 Abidjan 08



Kwa -bha =Dan -se 'gü -wun

Kwa -dho kwa dë
-Zlan zuö pö, -a -gen tə -a
-zo 'yaa trö 'yename -bha.
=Dhe 'ö 'wun 'gbee- =ya -da
kwa -gö 'segü bhë,
-kəlokota 'bhaa 'wo- -dhe
Aksion 'Kəntre =la fen-
(Action contre la faim), 'wo
dö din -bha -da 'segü -sü
-gön 'yënnng. Me -nu 'wo
'dhö bhë, -wo wo zota kwa
-bha =Dan -se -wun 'gü, 'wo

=kpëü' 'kaa -nu, -mlü 'kaa
-nu, 'kao -nu, 'gbe -nu,
=klaa' ga 'ö kwi -ya -dhe
'limö -nu, 'wo -an -glu pö-
-nu 'gü, kö -wa ta, kö -yaan
kë -bhöpë 'ka, kö =kun 'ö din
dho -da pö- -nu 'gü.
=Ya 'gomü -kəlokota =dhe 'ö
-kë =Daənpöme -bha
-kəlokota 'ka 'ö 'wo 'sëedhe
=plëezë =been- -na kwa -de
'kpö -wo 'gü, waa- kəlokota

=va do 'wo- -dhe 'Silö (SIL)
'wo yuö -kë wo 'koë-. Me
'wo 'dhö bhë 'pö, 'wo -wo
-göa gbe gbe =plëezë =dhië-,
'wo -an =been 'sëedhe 'gü.
-Kəlokota =ple 'wo bhë, -wo
-dho wo 'koë, 'wo -Zlanwo
'sëedhe 'wo- -dhe Biblë bhë,
'wo- -glu 'Maa -se waa-
=Daan- -se -todhosü 'ka. -A
-gen tə kö =zuöga -nu 'ö
=wa -gi bhë, kö -Zlanwo -yö

-an -bha oñuo -nu aneke,
'iin 'zü -wo bə -a -ta kö -wo
dha. -A -kë 'dhö -sü bhë, -yö
-dho -Zalanwo dho 'dhiö kwa
-bha 'se -ta, 'ö 'wun yaa waa
'wun 'gbee- -kë meä -sü -yö
daannu. -Kəlokota =ple 'ka
bhë -Zlan yö 'dhuë- 'kpö ka
-bha =Va. -Nu me -dhë -kö
=suu- bhë ka- 'wun -dö =ne
-a -gen -go -Zlan 'piö a ?

-Demedhe

L'orthographe DAN Blowo

Voici ce que nous pouvons prendre pour savoir lire et écrire en langue Dan.			ε	'pe	déchirer	ö	pö	dire
Les consonnes et les voyelles que vous ne voyez pas ici sont les mêmes qu'en français.			εε	=dεε	aujourd'hui	öö	=töö'	panier
Attention:				=see'	natte	u	'su	lune
1. c, h, j, qu et x n'existent pas en dan.			en	-gen	pied	un	bun	corps
2. r ne se trouve jamais au début d'un mot.			een	=gbeən	long	uun	'yuun	asticot
Voici le reste de l'alphabet :			'ε	'pë	credit	ü	'gü	intérieur
Lettres	Exemple	Traduction	ao	'kao	daba	üü	=glüü'	frotter
Aa	'kaa	gale	ëen	=klëen	entourer	üö	'güö	brûler
An	'gan	tirer	ea	'kpea	sec	öü	=bhöü'	tarir
Aan	=saan'	cadeau	ean	gean	scorpion	-Wo 'dho -kö (Les tons)		
ao	kaö	perdrix	gw	-gwö	caillou			
aön	daön	araignée	in	'bin	fleur, image	1 'lü	ton Haut	arbre
bh	-bho	cabris	iin	'iin	ou	2 dë	moyen	père
dh	dhe	mère	ee	'gbee-	fort	3 =ze	bas	termite
ë	dë	père	kw	=kwaa-	main gauche	4 -tə	Tombant	Poule
			ng¹	gbeng	nuit	5 lan-	moyen + tombant	Soleil
			oo	'too	sauce	6 'Zlaa-	haut-tombant →	Petit frère
			o	-dho	amour	7 =glaa-	Bas-tombant →	Palmier
			ö	=wö-	singe	8 =laa'	Bas-moyen →	panthère
			ön	'yon	huile	9 =See'-	Bas - moyen-tombant :	orange
			öön	=Söön	comportement			



'Kativaa -se 'gü -wun

Biya pö-yaandhe =ya kë 'duun 'ka.

'Ö sü 'su 'wo- -dhe -zakayabho 'ö 'kwië- -dhe 'maasö bhë -a -bha, Biya -dhe 'ö -kë 'dhiö -be Lagii ga 'yan -dhe -sëdhe 'ka bhë, =ya 'gla 'duun 'gü -dhe =va do 'gü. -A tɔɔ zlöö 'duun dɔdhe -së. 'Ö tɔɔ -a -dhe 'saadhö =ya kë 'duun do yaya 'wo go 'kɛnto -a 'ka. =Blëë' 'wo- 'dhia bho -kpinng 'to -ta 'saadhö -bha, =ya kë metrë =plëëzë 'ka.

'Guungo -nu 'plë =wa pa 'duun 'ka, -an 'tëë =ya kë ya 'duun -dhë, -a -de, -kpinngga -nu =wa 'to 'sɔɔsɔ =blëë' =kɔa'. 'Dhɔɔkoëdhe -nu =wa pa, -piikɔ =vava dëmë -nu -wo woë- 'kɔdhi -nu ta -na, 'duun 'tëë -nu, zɛnpë -nu, 'wunblë -nu -an =kɔa' bhii 'wunblë tii ga -nu -wo =troo' -nu kë -na 'dhɔɔ =kwëë- -nu -ta, kö zɛnpë -nu -wo 'tan bho -na 'iin 'zü kö

-wo mɛ 'kan -na. 'Töng =suu'- -mlë 'ö =ya 'yua =plëëzë nu mɛ -nu -dhë =nɛɛ? 'Gu =ploö' -nu, -a 'lükia =suu'- mɛ 'wo- -dhe tifoidö -nu, =wa sla.

=Blëë' -sü plöo mɛ gbe 'yaa -dhö, 'ö tɔɔ Bia =blëë' 'daawodhe bhë, pö- =ya yö -a -bha. -A pö- -mɛ -nu -wa -pö 'duun 'tëë =ya 'më wo 'ka, woë- dhoonu, 'në -nu, 'yua =ya 'kan -an

'gü, -a -wun 'gü kö =kun 'wo =blëë' 'daawo 'më gbɔ. Biya -se =kɔɔnmɛ -nu, -a 'se -yuökëmë -nu 'dhi =ya 'kun bhii, -yö 'wun gia- 'ka.

Kwa -de 'pö, -kwaa kë kö kwa -bha pö- -nu -wo 'to 'slööslö, kö =kun 'kwa -ya 'duun 'gü plöo 'ö 'yua dho kwa kë, 'kwaan- ga 'kpaan 'wawa.

Dha 'yi -bha mɛ zë 'ö- wo Biya

Dhayi -yö -së, 'kɛɛ -a -ziö =gɔu -sü 'yaa -së. Ban 'ö dha 'dhoë- wo -na 'töng =nɛ -a 'gü Biya bhë, =ya =gbaon. 'Guungo 'bhaa 'wo- -dhe,

Wiliamö 'Vilö 'ö Biya zö bhë, dha ban -kɔ bhë, 'ö 'kɔ do -yö -lo mɛ -nu -ta. =Ya 'go mü, =klang- 'kɔ do 'bhaa -yö 'kwi -pö 'wo -dhe

Basamö 'yö Biya -dhe 'sɔɔ bhë, =klang- 'kɔ bhë, dhay -ya -bho 'fɛfɛdhö -dhekpɔyi =plëëzë 'piö 'ö 'në -nu waa 'dho =klang' 'kɔɔdhö 'töng

bhë -a -bha. 'Yi 'ö -kë =klang' =plöo mü, -wo -mɔa kö -wo 'yikë -a =bhaa.

'Wun -gban dhoonu -bɔn zë -sü -bha.

-Do 'wungbee- =plëëzë -kë mɛa -sü -gɔ 'yënnɔ -mɛ -nuë -kɔlokota 'wo- -dhe Amünesi Entɛenasionalö (Amnesty Internationale), -wo -dho wo 'ko =bhaa -kwe 1998 bhë -a su 'wo- -dhe 'në 'sɛɛn- -nu -bha -blëë 'ö 'kwi -ya -dhe desanblë bhë -a 'gü -a dhekpɔyi 27 'ka, tɔng 'ö 'nimlo 'tɔ 'dhö =nɛ : 98, 757, 'wo- -da -a pö -sü 'ka =nɛ : 'wun 'gbee- -kë dhonnu 'ka -sü 'wo -kë (-gɔɔn dheë -sü, waa- -an kë 'bɔn 'ka -sü) 'ka bhë,

-dɔ -a -gɔ 'yënnɔ. Bhii, 'wun bhë, -a -kë 'dhö -sü bhë dhoonu -veizë -sü -mü. =Dhe 'wo- tɔng -da =nɛ, -a -kwe 'slaple (7) 'ö =nɛ, -a -dhio 'yaa ma -na. -A -wun 'gü, -kɔlokota bhë -ya pö : « Dhebo mɛ 'ö 'wun =suu'- -nu 'wo =nɛ 'wo 'dhoë- kë -a 'ka, -yö -tazɔndhe kë 'kwi =plöo. » Wɔ =suu'- -nu 'wo =nɛ =kwaa- bho kwa -bha -toseadhe 'gü. -Kwaa -zian =mɛɛ'- kö 'kwa dhoonu =bhlë 'to -an -ta. Kɔlokota =suu'- -nu 'wo =nɛ,

kwa -nu -kwa yuö kë kwa 'koë-, -dɔ 'wun yaa -nu 'wo 'dhö bhë -an -gɔ 'yënnɔ -sü 'ka. 'Wun 'dho 'gblo do bhë, =Flanɛ 'kwi 'puu -nu =wa 'dho -a -ta, tɔng do -da -sü 'ka =nɛ : -dadhëü -dɔpöë 'nëdhe -yö 'dho gɔan -kwe 'goodo ö ga 'sleaga 'ka zlöö -a -kë 'dhö -sü bhë -yö -dhoë kë 'ö dhe -dɔgɔan 'gbeedhe 'ka -sü -yö duannu.



'Se 'gla -wun waa - Mɛ =slɔɔ -pë -wun

'Wun 'ö -gban -mlü =suu'- -nu ta -sü -bha.

-Mlü ta -kɔ 'slëzɔnmɛ -bha -kɔlokota 'kpü -'ö 'kativaa -zö 'wo- -dhe (ANARIZ -CI) bhë, -wa -zɔn kwa -dhë -kwe =nɛ -a 'gü =nɛɛ -a -kɔ -mɔ 'wuën -sü -yö wo -gɔ kö 'wun -gban kwa -bhöpë -wun -bha 'Kativaa zö 'wo wo -zo kë -a 'piö. -A -wun 'gü, -mlü -ke -nu 'wo -kwe -nɛ -a gü -a züdo 'töng 'ka, -wo -mlü 'kaa

=suu'- 'wo- -dhe Nelika (NERICA) bhë, -a 'kidhong 2000 -glu -kɔlokota 'gɔɔple (20) 'ka 'kwipö 'wo- -dhe -tönggbötii (Toumodi) bhë -a 'gü. 'Wo- pö wo -bha 'wun güdan -sü -mü, 'iin -a kë -sü -mü kö -bhöpë -sü 'se gbe 'gü -sü bhë 'waan- =gbaannu, kö kwa -bha bhöpë -wun -yaan -gban kwa -de -bha zlöö.

Bhii -mlü -dho 'se gbe 'gü -sü =sɔnnɔ' -yö kë mliaa 110 'ka -kwe 'ö -ziö =nɛ -a 'gü. 'Wun bhë 'yaa kwa -bha 'se =bhlë 'to -a -ta. -A -dhe -sü -mü ke- kë -mɛ 'saadhö -an -gɔ kö -wo -mlü -ke kë =vava kö =kun 'kwa -ya kplawo 'sekɔɔnmɛ -nu -gɔ. 'Blü -nu -wo kwa -gɔ =va kö 'kwaan- ke- kë.



'Kpongtaadhe -wun

-Glu -da 'se -nu 'gü -sü -bɔata 'yö tɔɔ -mē -ε ?

-Glu -da 'se -nu 'gü -sü -bɔata 'yö tɔɔ -mē -ε ? -Mē -kē 'ö 'sego =plēēzē -wo -kwe plēēzē -kē -glu 'gü 'kpongtaa =ε ? : Nuēzlöödhē -nu 'dhö (Libelia) 'wo -kwe 14 -kē -a 'gü, metii 'sego me -nu 'wo -an -dhe Siela leonö -kwe 11, -a me 'wo -dhe Tiadö -kwe 35, Mozangbikö -dhe -kwe 13, Angola -kwe 20, Luanda -kwe 10. -Dhe -nu 'wo bhē 'töüdhö 'ö -melü -vuu 'gü -vuu =plēēzē -wo ga -an -bha. -Glu -bɔata -blēēzē 'ö tɔɔ : -a -dho -kē -de 'ka -sü, 'ö me 'wo -'sü -na 'se =kɔɔme 'ka bhē, 'yö ö -de -wo pö me, 'iin 'zü ö -de -go -me -nu -ya 'ö 'sɔɔ kö -waan ö -takpa. -A 'bhaa tɔɔ 'se -go

'pian gbe -sanzē -sü 'ö 'waa- 'piö kö -yö 'gla, 'wo 'wun 'gbee- -wo -a 'gü -me -nu 'yan -ta, 'ö 'kwi -ya -dhe 'se =kɔɔn -ko yaa. Pē -nu 'wo -glu -da metii -se plēēzē 'gü =dēε 'wo -bhē. Me -nu 'wo dho 'se =kɔɔn =dēε =zuöga -sē 'ka -a me gbe 'yaa -dhö. 'Dhiösüme 'ö dho me -go =yɔɔn 'koē-, me 'ö dho nu me -dhē, me 'ö dho kē 'lēlē, 'iin 'ö dho 'wun kē 'ko 'trüün 'piö =ne Katolikö -zlinko 'dhiösüme 'kpīi- 'ö -Zlan -ya -bha yi -lo tēü -a 'dhö, -a me gbe 'yaa -dhö. Gɔɔn- 'ö bhē -yö me -nu -yɔɔn 'koē, 'yö me -dhökē, -dewo me -nu 'ö wo -nu -an -bha =bheä' -ko 'yaa do -yö -an -go

-yɔɔn 'koē- 'yö tɔng -nu do -an -dhē. -Yö metii 'se -nu -dhökē =gbaɔnsü. =Dhe -kē -yö 'se 'kpekpe -go -kpa 'koē- =ε, 'ö =dhe 'ö -a -wun =ya kē =zao' bho =glööbɔ 'su 'ö 'kwi -ya -dhe avlilö -a 'gü tēü bhē, 'se 'kpekpe, -wo pö -me 'kpekpe, -Zlanwopöme =suu'- 'kpekpe, ö -bha mēng 'sēübhöme -nu, me 'waa =bheä' -me 'ka -nu, melü 'wo -mɔ me -vuu -kēng' yaaga bha (300.000), 'wo dho -a ga -ta 'sego 'wo- -dhe 'Wlɔmē bhē -a 'gü. Me =suu'- 'ö 'sekɔɔnmē -dhö -mɔa yö kēa yö =ga 'ö bhē.

Mənyan Kese

'Wun 'ö -gban -potaasü -wun -bha.

=Blēēdhē =plēēzē 'dhɔɔ do -ko yaa

=Blēēdhē =plēēzē 'dhɔɔdo plaan -sü bhē -a züdo -kwe 1990, Sinöme -bha blēēdhē -ta. -Kwe =ya ziö -kwe -ta, kö yuö =suu'- bhē -yö =bheε -na -yö 'dho -na 'dhiö. 'Sinöme -bha =blēēdhē 'dhɔɔ bhē, =ya Biya -dhe 'sü ö =bhaa'. -A 'kɔ sonngtodhe 'saadhö, blēēdhē 'dhɔɔdodhe -mü, -dewo, kwa -bha 'Kativɔa -dhe 'saadhö -a 'gü. =Blēēdhē -yuö kē -me -nu 'wo kwa

-segü 'nē -nu 'ka =wa 'wun =blēε'- 'wun bhē -a -bha, -do -a -go 'yēnng -sü 'ka, 'kεε 'yaa -mɔ -na 'ö tɔɔ =blēēdhē -nu bhē, -a 'dhɔɔdo -me -wa -gbugban -na 'següme -bha.

-A -wun 'gü -a 'sü -me -nu do -sü 'ka 'yua -bha zian -ta 'ö tɔɔ =blēēdhē =suu'- -nu bhē, -an =plēēzē =wa =siö'-, -an -kwe =ya ziö, 'gomü -wo

-lo -sü 'ka -dhepuudhe -bha plaan 'kpaan, waa- gbe -takpa. -A -dhe -sü -mü me 'saadhö -go kö -wo 'dho =blēēdhē 'dhɔɔdo -ko -nu 'gü -wo wo -bha blēēdhē -nu 'dhɔ, bhii -wo wo -zokē -a 'piö -sēka 'iin 'wo -takpa lan- -nu 'tēesaa 'kpaan, 'iin 'yua plēēzē -go, kö -potaasü -yaan kē kwa -go.

Bha -sü =plēēzē

-Dhekpaiyi =ple =ne -a 'piö, -badhongzuöme -bha -dhokoē =vava -nu 'wo metii -se 'gü -wo =saadhengdhe -da, kö me 'ö -bhadhong -züö me 'gbee- 'ka -waan -a do. =Ya kē 'dhö ε, me bhē, -wo -dhoē 'to -ya -bhadhong -zuö -me 'gbegbe 'wo 'kpontaa -an -bhüö 'gü kö -waan =badhong -zuö 'luma -se 'gü -kwe 2006 'yö nuē- =ne -a 'gü. -A -wun 'gü -kwa

-Badhongzuöme -nu.

-bha -badhongzuöme -nu -bha -dhokoē =va 'wo -a -dhe Biö -nü bhē (-a -gen tɔɔ -an =faan' =va =ne biö -nu 'dhö) waa- -a me -nu 'wo go Ezitö -wo wo de =gein' -ga, 'su 'kwa- -dhe 'kplo 'ö 'kwi -nu -wa -dhe zuen (juin) bhē -a =dhekpaiyi 19 'ka 'yinia 'piö. Kwa- -ma =ne pē 'gbegbe =ple =wa wo 'ko yö, -a do -yö -to -a 'gbee 'ka. -Gəngon 'wo- wo bhē, kwa -bha biö -nu 'wo -bhē 'wo to -a 'gbee-

'ka, 'wo Ezitö -me -go =ple -da, =waa- gbe bho mü. Kwa dhoē- pö hozana kwa -bha 'nē -nu -bha 'ka. -An 'yoo =ne bhē. Bhii -a 'gbee- -nu -wo -dho dho 'Lüma -se 'gü kwa -bha metii -se -nu 'to 'ka. =Ya kē 'dhö kö me -nu 'wo dhö dho bhē kwa -bha 'Kativɔa -se -yö -an 'piö =ne bhē.

'Yee -wun

'Wun =ne -yö gban 'nē gɔɔnzē =ple 'wo- me do -dhe Yangbee, 'wo- me 'bhaa -dhe =Keyang -an -bha. Me =ple 'wo =ne -wa -dhökē =bee'- 'ka. =Dhe 'ö -kē =ne -a me 'ö -dhö -ya -pö ö 'gbee- 'ö =ziē' ö 'bha -ta bhē, 'ö yi do 'ka 'ö pö- dēme -yö '=saadhengdhe -da. -A yi bhē =dhe 'ö -lo, dhoonu -wo =bee'- -kē =va 'wo- gban 'dhēüdhö, me =ple 'wo bhē

'wo -an -dhe. 'Ö Pöme -nu -wo =niē -an -zü. Pö- dēme -ya pö -an -dhe -wo 'dhoē- -bha. =Bee'- bhē -a 'too bhē 'te -go do 'kpaan 'ö- =bhaa. =Dhe -kē 'dhö 'ö -Yangbee -yö bha =bee'- -gbo bhē -a -bha, 'yö- dho 'kou -do 'yö- ö =zloa 'yö- =yɔɔ- -glüüdhö. =Dhe 'ö kē -na 'dhö kö me -nu -wa pö -na -a -dhē : « -Yangbee ü dho ga -ɔ, ü -dho ga -ɔ ». 'Ö

dho 'ö- 'ple =yɔɔ 'töüdhö 'ö bho -a -bha. 'Wun bhē 'ö me 'kpekpe 'dhi pa 'ö 'wo -we -a 'to 'piö. =Dhe 'ö yö =Keyang -bha, 'yö -dhe -ga ö -zü 'to. 'Yö bha 'te -go -bha, 'yö- =yɔɔ 'wa -slēēdhö. -Dhe bhē -a -bha zlöö, 'ö me 'ple 'dhi -yö kun. Bhii 'wun =suu'- bhē -a -blēēzē 'ö kē -na me -nu 'yaan 'dhö bhē. 'Ö me 'kpekpe -wo yö =Keyang 'to bho -sü -bha, -a pö -sü 'ka

=ne -yö 'gbegbe giagiawo. =Dhe =ya kē 'dhö 'ö pö- dēme -yö 'wun bhē 'ö- -kan, 'yö- pö =Keyang -bha 'te -go =yɔɔ'- sü -wun 'gü, =ya 'to -a 'gbee- 'ka -Yangbee -ta. -A -gen tɔɔ -piö 'kan -piö -yö -dhö

'Ze Emanuelö

-Piën

<< 'Waa 'wun yaa 'pë bho 'wun yaa 'ka. >>

Kwa -mā kö 'kwa 'wun =zān' 'sü gān- dē do 'ö- -bha 'nē -yö -püö 'yi =bhaa 'ö- -wun 'dhö 'sēdhē -be 'nē 'bhaa 'wo- -dhē ('waa 'wōn yaa 'yū bho 'wōn yaa 'ka) -a 'gü bhē -a -bha. 'Wun =zān' -sē -giagia -mü. -A 'sēdhē

-be 'nē bhē -yö 'maa -wo 'gü. -A 'dhō -bha -yö "Zē Emanuē -gō "Maadhö. Ü -ya 'yā =ya 'wun yaa kē ü 'ka, -kö =kun 'ü- =dēi' -da -a -gō 'wun yaa 'ka. Ü -bha -yö kē 'wun -sē kē -sü 'ka -a -mē -dhē, -a -gēn tō 'wun -sē kē -mē 'yaa

=dhōng -Zlan -gō gbokungbokundhö. -Kwaa kē -zian =mē' -kö 'kwa kwa -de 'kun 'wun -nu kē -sü 'gü bhii -yö kwa bha 'wundōdhe waa- kpaakpadhe -zōn mē -dhē.

'Wun -tao

1)- 'Sēdhē -be 'nē -nu 'ö- -an -yö plaan -sü 'yaa =gēen gbō 'wo =nē :


- 1) " *Yesu Klito tō 'kpongtaame -nu Dhame* "
- 2) *Yesu 'Klito -bha mē =daan' -wo -nu*
- 3) -A mē 'ö -gbān 'Lükia -bha mē kē kō waa- -a 'dhē kē -kō -bha 'Wo- -dhē : =Gōö- waa- 'lükia
- 4) 'Yua =plēzē waa- ö 'dhē kē -kō -nu

2)-
=Ya 'go mü 'zü, =klang -sē 'bhaa 'ö -gbān 'mē 'ö- =zuö' =ya -gi, -a 'wun kē -kō 'wo dhoē- kēa, kö -a =zuö' -yaan -püö -a -bha, -a =klang' bhē 'wo- -dhē : « =zuö' 'gü bhüö -dhē bo -kō ». =Klang' bhē -yö -dho kē =Daan' 'sēgo 'gü. -A do -yö -dho kē -Zuōngwiö, 'su 'ö 'kwa- -dhē 'kplotei 'ö 'kwi -nu -wa -dhē zue

(Juillet) bhē, -a -dhēkpaöyi 'gāople ö ga 'sōdhu (25) 'ka 'ö yōē -dhēkpaöyi 'gōyāaga (30) -bha -dhēkpaödhio -a -da plöö -yi 'ö tō dhēkpaöyi 'gāople ö ga -yiisiē (24). 'ö- do 'bhaa -kē =Daan' pō- yaandhe gia- -bha. -A -da plöö -yi 'ö tō 'kpotēi bhē -a -dhēkpaöyi 31 'ka, 'ö =klang' züdo 'su 'ö 'kwa- -dhē

-Dōdhe 'ö 'kwi -ya -dhē Utö (Août) bhē -a -dhēkpaöyi -blēzē (1) 'ka, 'ö dho 'ö yōē -dhēkpaöyi 'slado (6) -bha. Mē -nu 'wo ka =dhōkē bhē, yi ka =faan' 'mē -na kö 'ka kē =klang' bhē -a -ta =va, 'ö tō pē -sē -ya 'gü =va.

Pë 'bin 'ö =nē zian -gblooga 'ö dho -pamebhame =plöö yo -mü, -bhö -a =mē' -kö 'ü 'dho mü



'Ka yēn 'sēdhē =nē -a pō -sü -bha -ka ka -bha -zotadhe -nu bō yi -dhē. Yi 'yan -yö ka -bha 'sēdhē -nu -gō.

Mē -nu 'wo 'sēdhē 'ö =nē -a =bēen -an 'tō 'wo =nē Sai Zoziasü, -Kese Mōyan, Zafe 'Dhōgbō, Valangten Vidrinö waa- Edhena Pedhekwalösökaya 'wo go Lusi -sē 'gü 'ö yōē Hanesü 'ö go suisü -a -bha. Yi -bha 'sēdhē kē -dhē 'nimlo 'ö =nē : SIL 08 BP 857 Abidjan 08 Tel : 22 43 12 72